

quid iste spectabilissimus vir pro pace et quiete et bono statu ecclesie patauien. effectuosissime fecerit, melius vestre norunt dominaciones &c. Haec de Nicolao aetate sua certe insigni Theologo Orator noster, cujus gestorum Compendium exhibetur P. I. Scriptt. Univ. Vien. p. 101. Memorantur ibi Ms. Sermones ejus Exequiales. Annum mortis 1436. subplet Job. Jos. Locheri Speculum Acad. Vien. edit. ibid. 1773. 8. Sed, dum in utroque hoc Opere Nicolai annus emortualis dicitur 1433. rescribendus est e Cod. nostro annus 1434. nisi dicas Exequias ejus in alterum annum dilatas fuisse. Atque diutius differri posse, paucis abhinc annis vidimus.

X. fol. 267. Principium primum in secundam quinquagenam psalmodiarum. factum per fratrem Mathiam fabri de Augusta baccalarium Theologie. ordinis fratrum Carmelitarum. in solenni uniuersitate Wiennensi Anno 1469. circa festum omnium sanctorum. Publicis igitur Lectionibus suis proludit hic Noster: *In Nomine summe atque semper benedictissime trinitatis — Ex permissione ac licentia inclite facultatis Theologicae &c.* Tres pro more Scholae Partes habet Prolusio. Primo est diuini auxilij inuocacio. Secunda Theologica ac diuinalis scientie in sacri canonis libris tradite et praecipue Psalmodiarum recommendatio. Tertia gratiarum habicio pariter et actio Auditoribus. Atque id in fine nominatim praestatur

Mathiae Abbati Scotorum, Stephano Praeposito Can. Reg. S. Dorotheae, Alexio de Drosendorf Officiali Passau. Virgilio Schrottauer Anwaldo Caes. Andreae Schenprucker Confuli, Martino Enthamer Judici Civit. Johanni Carpentarii et Leonardo Praxatoris Ord. Carm. Budensi et Viennensi Prioribus, Johanni de Pfortzen Facult. Artium Decano. En quales Viri ἀγοαρνησιον Theologorum Mathiae cohonestarint.

XI. fol. 278. Principium secundum in canonicas petri factum per fratrem Mathiam fabri de Augusta baccalarium Theologie ordinis fratrum carmelitarum. In uniuersitate Wiennensi. Anno 1470. Prolusio haec incipit: *In nomine sanctissime trinitatis &c.* et duas tantum Partes habet. Prior est Collacio totius sacre scripture recommendatoria generaliter et propositarum canonicarum ac sui autoris specialiter. Altera gratiarum actio. Sed haec abest a Codice. Hic itaque Sex Opuscula complectitur Autoris inter Coevos non indocti, sed mihi quidem nullibi reperti, et in erudita Fabrorum Phalange tam a Mathia Fabro Jesuita, quam a Fabro Augusto dicto Johanne O. P. probe distinguendi.

CCCXXXVII.

Codex membraneus germ. Sec. 523 XVI. Folior. 23. 4. nitide exaratus continet Poema rhythmicum, cujus Liber I. de Novem Choris Angelorum, II. de Angelis

1313

D O G M A T I C I.

1314

gelis uniuersim e diuinis Literis pertractat. Autor *Wolfgangus Liginger Ludi Monacensis Moderator*. Titulus: *Herrliche vnd schene Beschreibungen von Zwaiien Biecheren. Das erste von denn Heiligen diser Neun Cör der Enngel mit namen auch von Irem Ambt thuen vnd wesen, sambt iedem Cor mit teitsch Reimen ver-*

fasst. Das annder buech von Allen lieben Englen Gottes außs der Bibel vnnnd schrifften getzogen, was sie für guetes gewürckbet, darneben das bese gstrafft vnns menschen zur warnungen beschechen vnd in Reimen beschriben. Durch Wolfgang Liginger Teutscher schuelhalter vnd mitburger in Minchen. 1582. Initium:

Ein herrliche beschreibung zu melden ist

In disem buech O frummer christ

Auß Gottes Genade vnnnd gab

Zu ertzelen ich mir fürgnomen hab &c.

Ex ungue leonem. Sub finem Opus suum destinat. Autor

Zu lob Euren Römisch Kay. Maiestat

Vnd ebr Ir Durchleucht vnd gnad,

et subscribit: *Vollend durch wolfgang Liginger den zwelfftn september. Im 1582. Exemplar istud Rudolpho II. Imp. submissum fuisse, Thecae ornatus suadet.*

CCCXXXVIII.

444 Codex chartaceus lat. germ. Sec. XVI. Folior. 125. 4. Varia diversis manibus exarata complectitur, quae ad feruentia eo Seculo in Religione Diffidia pertinent, et quidem: I. *Fratris Joannis Dominici Scauolini Bertinorensis ordinis Praedicatorum Tractatum De Sacerdotio, ad illustrijs. ac reuerendis D. Nicolaum Olabum Archiep. Strigon. Legatum natum, Primatem Hungariae, Caesareaeque Maj. summum et Secretarium, Cancellarium et*

Consiliarium. Ingressus: Inter cetera damna, quae in orbem Christianum Satbanas nostris ijsce temporibus inuexit, Praesul amplissime, illa mihi duo cum praecipue deploranda, tum acriori studio propulsanda uiderentur, quibus uera Sacerdotij religio sublata, et omnis ferme Episcoporum dignitas euersa dispicitur. Bipertitum hinc Opus quis arguat; verum, quae in Codice habentur, de solo agunt Sacerdotio, cuius tractationem, prosequitur Autor, sex ista, ni fallor, copiose satis absoluere poterunt. Nunquid Christiani omnes sacerdotes sint. Deinde, nunquid Sacerdotium inter Sacramenta numerari debeat. Tum a quo institui Sacerdotes debeant. Post haec, quae illorum praecipua functio existimanda sit. Praeterea de Calibatu